



Մ Ա Յ Ր Ա Թ Ո Ւ Ո Ւ Մ

Նոյեմբերի 23-ին՝ հինգշաբթի.—Այսօր երեկոյան Մայր Աթոռ ժամանեց Ուրուգվայի հայոց հոգևոր հովիվ տ. Շնորհք վրդ. Գասպարյանը:

Նոյեմբերի 26-ին՝ կիրակի.—Մայր տաճարում պատարագեց արժ տ. Մկրտիչ քհն. Մկրտչյանը, և քարոզեց հոգ. տ. Շնորհք վրդ. Գասպարյանը՝ «Ես եմ լոյս, որ զայս առ իս ի խաւարի մի մնասցէ» բնաբանով:

Դեկտեմբերի 2-ին՝ շաբաթ.—Տոն «Սրբոց առաքելոց և առաջին լուսաւորչացն մերոց Թադէոսի և Բարթողիմէոսի»:

Մայր տաճարում պատարագեց հոգ. տ. Գևորգ վրդ. Սերսիզարյանը:

Դեկտեմբերի 3-ին՝ կիրակի.—Մայր տաճարում պատարագեց և քարոզեց հոգ. տ. Գեվորգ վրդ. Սերսիզարյանը՝ «Եւ հիւանդաց բժշկութիւն» բնաբանով:

Դեկտեմբերի 5-ին՝ երեքշաբթի.—Մայր տաճարի լուսարարապետ և Հնդկաստանի և Մայրաքույն Արևելքի հայրապետական պատվիրակ գեր. տ. Հայկազուն արքեպ. Արաճաճյանը Վեհափառ Հայրապետի կարգադրութեամբ մեկնեց Հնդկաստան՝ հովիվական այցելութեան՝ տանելով Ն. Ս. Օծուկյան օրհնութեւնները: Գեր. Հայկազուն սրբազանը Հնդկաստանում Բանին կենաց քարոզութեամբ կմխիթարի հավատացյալներին և, զբաղվելուց հետո թեմական-վարչական գործերով, կվերադառնա Մայր Աթոռ 1968 թվականի փետրվարի վերջերին:

Դեկտեմբերի 10-ին՝ կիրակի.—Գ կիրակի զկնի Յիսնակաց:

Մայր տաճարում պատարագեց և քարոզեց հոգ. տ. Շնորհք վրդ. Գասպարյանը՝ «Ահա-լասիկ ամենայն ինչ պատրաստ է, եկայք ի հարսանիս» բնաբանով:

Դեկտեմբերի 17-ին՝ կիրակի.—Դ կիրակի զկնի Յիսնակաց:

Մայր տաճարում պատարագեց և քարոզեց արժ տ. Հովհաննես քհն. Մարությանը՝ «Ես իմ հացն կենաց» բնաբանով:

Դեկտեմբերի 28-ին՝ հինգշաբթի.—Մայր Աթոռ ժամանեց Վիեննայի հայոց հոգևոր հովիվ և ժնեւում եկեղեցիների համաշխարհային խորհրդի մոտ Մայր Աթոռի մնայուն ներկայացուցիչ հոգ. տ. Մեսրոպ ծ. վրդ. Գրիգորյանը՝ Վեհափառ Հայրապետի հրավերով: Հոգ. հայր սուրբը այցելեց նաև այս առթիւ մայր հայրենիքի տեսարժան և պատմական վայրերը, եղավ Մաշտոցի անվան Մատենադարանում, դիտութեւնների ակադեմիայում: Հոգ. տ. Մեսրոպ ծ. վարդապետը իր պաշտոնատեղին մեկնեց հունվարի 4-ին:

Դեկտեմբերի 31-ին՝ կիրակի.—Զ կիրակի Յիսնակաց:

Մայր տաճարում պատարագեց ուխտաբար Մայր Աթոռում գտնվող հոգ. տ. Մեսրոպ ծ. վրդ. Գրիգորյանը և քարոզեց «Նորոգող բնութեանց նորոգեա և զիս նորոգ զարգարեալ» բնաբանով:

Ս. Պատարագին ներկա էր Վեհափառ Հայրապետը:

* *

Հունվարի 1-ին՝ երկուշաբթի.— Գ օր Սը-
նընդեան պահոց: Կաղանդ և տարեմուտ:

Մայր տաճարում պատարագեց հոգ. տ.
Մուշեղ վրդ. Պետիկյանը: Հավարտ ս. պա-
տարագի իջման ս. սեղանի առաջ տեղի ունե-
ցավ հայրապետական մաղթանք՝ Վեհափառ
Հայրապետի նախագահությամբ: Նոր տարվա
առթիվ Մայր Աթոռի միաբանության անու-
նից Վեհափառ Հայրապետի Ամանորը շնոր-
հավորեց գեր. տ. Հուսիկ եպս. Սանթրույանը՝
Մայր Աթոռի պալառություն և Վեհափառ
Հայրապետի թանկագին կենաց արևշատու-
թյան մաղթանքներով: Հավարտ ս. պատա-
րագի Վեհափառ Հայրապետը Վեհարանում
բարեհաճեց ընդունել միաբանությանը և հո-
գևոր ճեմարանի սաներին՝ նոր տարվա առի-
թով:

* *

Հունվարի 5-ին՝ ուրբաթ.— Ծրագալույց
Մենդեան և Յայտնութեան Տեառն մերոյ Յի-
սուսի Քրիստոսի:

Մայր Աթոռում ավանդական հանդիսու-
թյամբ տոնվեց Մենդյան ծրագալույցը: Մայր
տաճարում երեկոյան ժամերգության ժամա-
նակ հոգևոր ճեմարանի սարկավազները ըն-
թերցեցին «Դանիել»-ի գիրքը: Ծրագալույցի
պատարագը մատուցեց հոգ. տ. Շնորհք վրդ.
Գասպարյանը:

Ս. պատարագին ներկա էր Վեհափառ Հայ-
րապետը:

Հավարտ ս. պատարագի Վեհափառ Հայ-
րապետը եկեղեցական թափորով և ճորհուրդ
մեծ շարականի հնչյունների ներքո առաջ-

նորդվեց Վեհարան, ուր օրհնեց Մայր Աթոռի
միաբանությանը:

* *

Հունվարի 7-ին՝ կիրակի.— Բ օր Մենդյան:
Յիշատակ մեռելոց:

Մայր տաճարում պատարագեց արժ. տ.
Նշան քհն. Բեյլերյանը:

Հավարտ ս. պատարագի կատարվեց հոգե-
հանգիստ:

* *

Հունվարի 10-ին՝ շաբաթ.— Նոր տար-
վա և ս. Մենդյան տոների արձակուրդներից
հետո, հոգևոր ճեմարանում վերսկսվեցին
դասավանդությունները:

* *

Հունվարի 13-ին՝ շաբաթ.— Ը օր Մենդեան:
Տօն անուանակոչության Տեառն մերոյ Յի-
սուսի Քրիստոսի:

Մայր տաճարում ս. պատարագ մատուցեց
հոգ. տ. Գևորգ վրդ. Սերայգարյանը:

* *

Հունվարի 14-ին՝ կիրակի.— Ա կիրակի
ղկնի Մենդեան:

Մայր տաճարում պատարագեց և քարոզեց
հոգ. տ. Գևորգ վրդ. Սերայգարյանը՝ ս. Հով-
հանես Մկրտչի մասին:

* *

Հունվարի 15-ին՝ երկուշաբթի.— Այսօր հո-
գեվոր ճեմարանում սկսվեցին 1967—1968
ուսումնական տարվա կիսամյա քննություն-
ները, որոնք կտեքսն մինչև հունվարի վերջը:

